

Soo Jeedinta Lr. 3

Qoraalka buuxa ee cabbirkan ayaa laga heli karaa Xafiiska Doorashooyinka ama oonleenka barta kingcounty.gov/elections.

Curaarta Waajibaadka Guud

Guddiga Agaasimayaasha ee Degmada Dugsiga Riverview Lr. 407 ayaa ansixiyay Qaraarka Lr. 25-8, ee khuseeya soo jeedin loogu talagalay curaarta. Soo Jeedinta waxay Degmada u oggolaanaysaa inay beddesho Dugsiga Dhexe ee Tolt oo ay dib u isticmaasho qaybo ka mid ah kambaska oo ku aaddan goob bulsho oo dabacsan iyo jiiimka; inay horumarinnada ammaanka iyo amniga ku sameyso albaabada laga galo dugsiyada; ballaarinta, dib u habeyso oo ay sameyso nidaamyada iyo horumarinnada kale ee hantida waaweyn ee dugsiyada iyo xarumaha degmada oo dhan, iyadoo soo saaraysa ilaa iyo \$185,500,000 oo ah curaarta waajibaadka guud oo ku buuxsamaya 20 sanno gudahood, iyo inay soo rogto canshuurta hantida sannadlaha ah ee dheeraadka ah si dib loogu bixiyo curaarta, dhammaan sida lagu sharxay Qaraarka Lr. 25-8.

Ma tahay in soo jeedinta in la:

- Ansixiyo
- Diido

Shuruudaha ansixinta: 60% codeyn haa ah iyo soo bixitaanka ugu yaraan 40% ee codbixiyeyaasha dhiibtay warqadaha codbixinta doorashadii guud ee ugu dambaysay (Dastuurka Washington, qodobka VII, qaybta 2(b))

Bayaanka Sharaxaadda

Ansixinta Soo Jeedinta 3 waxay Degmada Dugsiga Riverview u suurta gelin doontaa inay beddesho Dugsiga Dhexe ee Tolt oo ay dib u isticmaasho qaybo ka mid ah kambaska oo ku aaddan goobo bulsho oo dabacsan iyo jiiimka; cusbooneysiinta nidaamyada HVAC iyo kontaroolada dhismaha ee dhammaan dugsiyada; beddelidda saqafka iyo nalalka Xarunta Bandhigga Farshaxanka (Performing Arts Center) ee Dugsiga Sare ee Cedarcrest; hagaajinta ilaalinta dabka, sugidda gelitaannada, iyo socodka gaadiidka ee xafiiska guud; dib u habeynta iyo cusbooneysiinta goobaha dhismaha ee Dugsiga Hoose ee Carnation; hagaajinta garoomada ciyaaraha ee dhammaan dugsiyada hoose; casriyaynta garoomada ciyaaraha, tartanka orodka, iyo nalalka; dib-u-cusbooneysiinta goobta oo loo isticmaalo gaadiidka iyo bulshada; iyo horumarinnada ammaanka, dhismaha, iyo nidaamyada ee degmada oo dhan. Mashaariicdan waxay wax ka qaban doonaan baahiyaha waaweyn ee xarunta iyo barnaamijyada, casriyaynta teknooliyada iyo deegaannada waxbarashada ardayda, hagaajinta ammaanka iyo amniga, iyo hagaajinta iyo ballaarinta garoomada ciyaaraha iyo xarumaha isboortiska ee ardayda iyo bulshada. Ka dhaafitaannada canshuurta ayay heli karaan mulkiileyaasha guryaha ee 61 jirka ah ama ka weyn, ama naafada ah, oo buuxiya qaar ka mid ah shuruudaha. Si aad u hesho macluumaad la xiriira ka dhaafitaannada, ka wac Qiimeeyaha Degmada King taleefanka (206) 296-7300.

Wixii su'aalo ah ee aad ka qabto cabbirkan, la xiriir:

Dr. Susan Leach
Kormeeraha Guud
(425) 844-4504
leachs@rsd407.org

Bayaanka lagu taageerayo

Jessica Hellevang, Matthew Hayward, Patrick McGlothlin
<https://voteyesriverview.org/>

Soo jeedinta Lr. 3 ayaa dabooli doonta horumarinta *lagama maarmaanka* ah ee dhismeyaasha dugsiga kasta ee Degmada Dugsiga Riverview.

Dugsiga Dhexe ee Tolt waa in *la beddela*, dhismeyaasha muhiimka ah ee jira waa in loo beddela isticmaalka bulshada. Dhismeyaasha Tolt ee hadda jira ayaa si wanaagsan u adeegay ujeeddadoodii asalka ahayd laakiin hadda ma aha kuwo ku filan baahiyaha waxbarasho ee maanta. Iyadoo lagu beddelaayo xarun casri ah oo ammaan ah waxay ardaydeenna u diyaarin doontaa mustaqbal guul leh. Abuurista xarun gaadiid cusub oo shaqeynaysa oo ka timaadda qaar ka mid ah dhismeyaasha Tolt ee hore iyo in kuwa kale loo isticmaalo bulshada ayaa abuurta xaalad guul u ah bulshada oo dhan.

Dugsi kasta oo hoose ah ayaa heli doona *casriyaynta muhiim ah oo xagga amniga* ah oo la jaanqaadaya heerarka maanta. Kuwani waxaa ka mid ah; qolalka amniga ah, nidaamyada kormeerka oo la hagaajiyay, ilaalinta dabka iyo barafka oo la xoojiyay, iyo dhismeyaasha la xoojiyay. Saqafka; nalalka garoonka kubadda cagta iyo kontaroolada; iyo nidaamyada nalalka tiyaatarka ee Cedarcrest ayaa la beddeli doonaa. Codkaaga haa maanta wuxuu keenayaa *xarumo wanaagsan* oo kharash ahaan hooseeya marka loo eego muddada-dheer.

Kuwani waa horumarin ay aqoonsadeen guddi shaqo oo ka kooban xubnaha bulshada Riverview, maamuleyaal, macallimiin, waalidiinta, iyo ardayda.

Taageeridda curaarta hantida waaweyn waxay la micno tahay taageeridda ardaydeenna, dugsiyadeenna, mustaqbalkeenna.

Ku Codee Haa ku aaddan Guul.

Bayaanka looga soo horjeedo

Ma jiro wax bayaan ah oo ka soo horjeeda cabbirkan. Ma jiro qof ka tirsan gudaha maamulka oo la soo xiriiray Doorashooyinka Degmada King si uu uga mid noqdo guddiga qoraaya bayaanka ka soo horjeeda cabbirka sharciga.

Maamulada cabbirrada ku soo bandhigga warqadda codbixinta waxay sidoo kale magacaabaan xubno ka tirsan dadweynaha si ay uga mid noqdaan guddiyada "taageeridda" iyo "ka soo horjeedidda". Guddiyadan waxay diyaariyaan bayaanno taageeraya ama ka soo horjeeda cabbirka sharciga ee warqadda codbixinta. Bayaannadan waxaa lagu daabacaa buug-yaraha codbixiyeyaasha deegaanka si ay uga caawiyaan codbixiyeyaasha inay go'aanno xog-ogaal ah gaaraan. Haddii maamulka uusan awoodin inuu magacaabo guddi, Doorashooyinka Degmada King waxay magacaabi karaan mid walba oo ka mid ah xubnaha guddiga ee u qalma ee hore isa soo taaga. Si aad mustaqbalka ugu biirto guddi, fadlan la xiriir maamulka.

Doorashada Gaarka ah ee Febraayo 2026

Degmada King Buug-yaraha Rasmiga ah ee Codbixiyeyaasha Deegaanka

sida ay codsatay Degmada Dugsiga Riverview Lr. 407

Isku qor si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor barta kce.wiki/TrackMyBallot-SO.



Is diiwaan geli si aad u codeyso



Oonleenka: Booqo VoteWA.gov si aad oonleenka iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleenka ee Doorashada Gaarka ah ee Febraayo waa Febraayo 2.



Boostada: Ka soo degso oo daabaco foomka diiwaan gelinta barta kce.wiki/VoterReg oo boostada ugu dir Doorashooyinka Degmada King: **919 SW Grady Way, Renton, WA 98057**. Waa in la helaa ugu dambeyn Febraayo 2.



Shakhsi ahaan: Waxaad shakhsi ahaan iskaga diiwaan gelin kartaa xarunta guud ee Doorashooyinka Degmada King ilaa iyo Febraayo 10, Maalinta Doorashada. Macluumaad dheeraad ah oo ku saabsan saacadaha iyo adeegyada waxaad ka heli kartaa barta kingcounty.gov/elections.

Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish, or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.


Nala soo xiriir si aad u hesho agabyadaada codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Baro wax dheeraad ah oo ku saabsan sanduuqyada lagu rido, Xarumaha Codbixinta, iyo in ka badan!



Waxaan halkaan u joogaa in aan ku caawinno!

Shaqaalaha doorashooyinka ayaa kaa caawinno kara inaad is diiwaan geliso oo aad hesho warqad codbixin cusub ilaa iyo Maalinta Doorashada. Ma u baahan tahay warqad codbixin beddelaad ah oo ma doonaysaa inaad si gaar ah u calaamadayso warqaddaada codbixinta? Ka hel warqaddaada codbixinta oonleenka barta kingcounty.gov/elections/obmp si aad uga faa'iidayato Barnaamijka Calaamadaynta Warqadda Codbixinta ee Oonleenka.

Warqaddaada codbixinta ayaa waxaa ku duuban macluumaad waxtar leh! Iska xaqiiji inaad lifaaqa warqaddaada codbixinta ka dhex eegto:

- shanta sanduuq ee lagu rido warqadda codbixinta ee kuugu dhow,
- halka aad ka heli karto caawinnaad shakhsi ahaanneed,
- sida loo daabacdo warqaddaada codbixinta haddii taada kaa lunto ama waxyeello soo gaarto,
- sida loo soo celiyo warqaddaada codbixinta,
- iyo in ka badan!

Yaa deeq ku bixiya ololeyaasha?
Eeg ku-deeqeyaasha dhaqaale ee musharaxiinta iyo cabbirrada sharciga ee gobolka iyo dowladda hoose: Guddiga Kashifaadda Dadweynaha
www.pdc.wa.gov
Wicitaanka Lacag La'aanta 1-877-601-2828

206-296-VOTE (8683)
elections@kingcounty.gov
kingcounty.gov/elections
Baraheena Bulshada @kcelections



